

Broj: 06-03-568-08/16/15
Mostar, 18.09.2015. godine

Na osnovu člana 21., člana 37., člana 42., člana 84., člana 85. stav (2) i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13), člana 20. stav (2) i člana 27. Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 4. stav (3) i člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izdavanje dozvole za rad za proizvodnju električne energije u mikro-postrojenjima OIE broj 06-03-568/16/15 od 19.06.2015. godine podnosioca Samostalna obrtnička radnja „SOL-VES“, vl. Veselko Penava, iz Posušja, Regulatorna komisija za energiju u Federaciji Bosne i Hercegovine – FERK je 18.09.2015. godine na XV redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije u mikro-postrojenjima OIE podnosiocu zahtjeva Samostalna obrtnička radnja „SOL-VES“, vl. Veselko Penava, iz Posušja.
2. Utvrđuje se Samostalnoj obrtničkoj radnji „SOL-VES“, vl. Veselko Penava, iz Posušja status kvalifikovanog proizvođača u mikro-postrojenju solarne fotonaponske elektrane „BATIN“ u periodu važenja dozvole iz tačke 3. ovog rješenja.
3. Dozvola za rad izdaje se na period od 18.09.2015. godine do 17.09.2027. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
6. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

Образложење

FERK je 19.06.2015. godine primio od podnosioca Samostalna obrtnička radnja „SOL-VES“, vl. Veselko Penava, iz Posušja Zahtjev izdavanje dozvole za rad za proizvodnju električne energije u mikro-postrojenjima OIE pod brojem 06-03-568/16/15, te 22.06.2015. godine dopunu Zahtjeva za izdavanje dozvole za rad za proizvodnju električne energije u mikro-postrojenjima OIE pod brojem 06-03-568-01/16/15, kao i 25.06.2015. godine dopunu Zahtjeva za izdavanje dozvole za rad za proizvodnju električne energije u mikro-postrojenjima OIE pod brojem 06-03-568-02/16/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije u mikro-postrojenjima OIE broj 06-03-568-03/16/15 od 16.07.2015. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja.

Postupajući po obavještenju, podnosilac zahtjeva je dostavio dopis primljen u FERK 07.08.2015. godine pod brojem 06-03-568-04/16/15, uz koji je dostavio tražene informacije i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 4. stav (3), članom 15. stav (2) i člana 17. Pravilnika za izdavanje dozvola, pripremio Nacrt dozvole za rad za proizvodnju električne energije u mikro-postrojenjima OIE po zahtjevu broj 06-03-568/16/15 od 19.06.2015. godine podnosioca Samostalna obrtnička radnja „SOL-VES“, vl. Veselko Penava, iz Posušja. Na osnovu člana 85. stav (2) i člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-568-05/16/15 od 31.08.2015. godine usvojio Nacrt dozvole za rad za proizvodnju električne energije u mikro-postrojenjima OIE, te Obavještenje za javnost o opštoj raspravi o Nacrtu dozvole za rad za proizvodnju električne energije u mikro-postrojenjima OIE, kojom je ovaj nacrt upućen u proces javne rasprave, imenovan voditelj postupka i zamjenik voditelja postupka, kao i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije u mikro-postrojenjima OIE na adresu FERK-a ili na elektronsku adresu, u periodu od 02.09.2015. godine do 14.09.2015. godine do 12:00 sati.

Do ostavljenog roka za dostavu pisanih komentara, odnosno do 14.09.2015. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije u mikro-postrojenjima OIE.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, voditelj postupka pripremio je pisani izvještaj i preporuke, te je

iste uputio podnosiocu zahtjeva na komentare 14.09.2015. godine pod brojem 06-03-568-06/16/15.

Podnosilac zahtjeva je povodom navedenog FERK-u dostavio 14.09.2015. godine dopis primljen u FERK pod brojem 06-03-568-07/16/15, u kojem je naveo da se slaže sa izvještajem voditelja postupka i da nema komentara.

Izvještaj voditelja postupka sa komentarima podnosioca zahtjeva dostavljen je članovima FERK-a 15.09.2015. godine pod internim brojem 06-08-303/15, na razmatranje radi donošenja odluke.

Na osnovu obrade Zahtjeva za izdavanje dozvole za rad za proizvodnju električne energije u mikro-postrojenjima OIE podnosioca Samostalna obrtnička radnja „SOL-VES“, vl. Veselko Penava, iz Posušja i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije u mikro-postrojenjima OIE i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonu o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, kao i analize izvještaja voditelja postupka i komentara podnosioca zahtjeva na izvještaj voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 32. i članom 33. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu Samostalne obrtničke radnje „SOL-VES“, vl. Veselko Penava, iz Posušja, da u rokovima propisanim u uslovima dozvole za rad za obavljanje licencirane djelatnosti proizvodnje električne energije u mikro-postrojenjima OIE iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Đulizara Hadžimustafić

Dostaviti:

- Samostalnoj obrtničkoj radnji „SOL-VES“, vl. Veselko Penava, iz Posušja
- Operator za OIEiEK
- Sektoru za pravne poslove
- Sektoru za tehničke poslove i licence
- Sektoru zajedničkih poslova
- a/a

Regulatorna komisija za energiju u Federaciji Bosne i Hercegovine – FERK
Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508 kontakt@ferk.ba www.ferk.ba

Id.br.: 4227378050005 ; Transakcijski račun [KM]: 5550000013715624;
devizni račun: 5550000013716303, kod NOVA BANKA A.D. FILIJALA MOSTAR